



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCXXV. De Laudabili vita quorundam fratrum in Castro Kunnigsberg.

urn:nbn:de:hbz:466:1-11850

*Burchardus de Schwenden IX. Mag. Gen. Ord. Teuton.
Conradus à Tierberg Junior XII. Mag. Prov. in Prussia.*

omnes trucidavit, & cum gaudio intrantes navem pervenerunt ad Civitatem Thorun, ibique nave & mercimoniis venditis, cefferunt in divisione cuilibet (a) XX. marcæ.

ANIMADVERSIO.

(a) Marcæ scil. argenti. Nam Chron. antiq. German. quo usus est Dominus Zamelius, legit 20. Mark lötiges. *Vid. infra Dissertat. de Re Nummaria Prussorum.*

CAP. CCXXV.

De

*Laudabili vita quorundam fratrum
in Castro Kunnigsberg.*

A tempore foundationis suæ in Castro Kunnigsberg viri virtuosissimi fratres, & in armis strenui milites, habitabant in virtute abstinentiæ, Orationum, vigiliarum & genuflexionum alios excedebant. Inter quos hoc tempore fuit Fr. Albertus de Misna Commendator dicti Castri, vir DEO devotus, & in omni vita sua laudabilis. Mira facta possent de illo scribi. Refertur & indubitanter debet credi, quod ipse frater Albertus, dum esset in Juventute constitutus, datus ei fuit stimulus carnis, Angelus Satanæ, qui ipsum colaphizavit. Propter quod dum non solum ter, sed pluribus vicibus, Dominum rogasset, ut auferretur ab eo, audivit vocem cœlitus missam dicentem sibi: Alberte, si vis evadere graves tentationes, debes devote singulis diebus dicere hanc Orationem: O summa caritas, da mihi rectum & sincerum desiderium pro te, & pro puritate vitæ, & purifica conscientiam meam, & libera me à pollutionibus. Quod dicitur in Teutonico (a) *Döberste Lybe/gyb uns rechten Jammer nach die/und nach einem reinem Leben/und reinige unse conscientie*
und

*Burchardus de Schwenden IX. Mag. Gener. Ord. Teut.
Conradus à Tierberg Junior XII. Mag. Prov. in Prussia.*

und behütte uns vor Bewilnung / Amen. Quam Orationem. dum per tempus aliquod continuasset, legendo cum devotio- ne, quasi extinctus fuit in eo fomes peccati, quod nulla vehe- mens temptatio momordit de cœtero mentem ejus.

ANIMADVERSIO.

(a) Nicolaus Jeroschinus sic reddit precatiunculam hanc:

O aller höchste Minne	Sib mir ein Leben ohne mein
Sib mir rechte Sinne	Und mache mein Gewissen rein
Unde luterß Herzen Gier	Und löse mich mit Heile
Daß ich sehne mich nach dier	Von des Fleisches Weile.

Continuatio CAP. CCXXV.

Item de eodem.

Idem Frater Albertus incidit quodam tempore in ægritudi- nem, de qua crines capitis sui & supercilia funditus sunt e- vulsa. Hoc generavit in eo tantam deformitatem, quod nul- lus voluit cum eo conversari, undè turbatus cum lacrymis peti- vit à Domino, ut de vinculo hujus imperii absolveret eum, aut certe desuper terram eriperet; In ipsa nocte curatus fuit adeo, & restituti crines sic quod præteritæ deformitatis nullum vesti- gium appareret.

Continuatio CAP. CCXXV.

Idem de eodem.

Accidit etiam postea, quod dum idem frater Albertus cum aliis fratribus esset in Exercitu contra hostes fidei, eo die, quo fratres & alii Religiosi communionem sacram corporis Dn. nostri Jesu Christi sumere consueverunt, elongavit se ab aliis & turbato corde cum lacrymis suspirans ait: O Domine Jesu Chri- ste si nunc essem domi præmissis multis orationibus sumerem

Qq 2

cor-

corpus tuum, quo dicto statim apparuit corpus Domini in forma oblata, sicut ministratur in altari pendens in aëre, non longe ab ore suo, quod cum vidisset expavit, & dixit: Domine Jesu Christe, si oblata hæc est tuum verum corpus, transeat ad mei, & aperiens os suum, intravit, & cum inestimabili gaudio sumpsit illud.

CAP. CCXXVI.

De

Vita alterius fratris ibidem.

Eodem tempore in dicto castro fuit Wolferanus Saxo, qui dum professionem fecisset in ordine Domus Teutonicæ, & vellet proficere de virtute in virtutem, Diabolus invidens felicitati suæ nitebatur modis, quibus poterat, impedire. Undè accidit, quod dum idem frater Wolferanus in prima nocte surgeret ad orandum, Diabolus apparuit ei visibiliter, & hic, & ille, & ille, continuaverunt singulis noctibus per curriculum unius anni, sic quod Diabolus in diversis formis apparuit illi, & variis machinationibus ipsum inquietavit, & ille viriliter restitit immobilis in Dei servitio perseverans. Revoluto itaque anno cum Diabolus in illusionem hac non proficeret confusus destitit, & comparere amplius non audebat.

CAP. CCXXVII.

De

Fratre Menekone Magistro terræ Pruschie.

Fra-